

# წყალტუბოს მუნიციპალიტეტის მერის სამოქალაქო

## მრჩეველთა საბჭოს სხდომა

ოქმი N1

ქ. წყალტუბო

31.03.2023 წ.

სხდომას ესწრებოდნენ: მერის სამოქალაქო მრჩეველთა საბჭოს თავმჯდომარე ზურაბ ჯანელიძე, მდივანი მარინა ჭავჭავანიძე, წევრები - ლუკა ადვიშვილი, ედიშერ გედენიძე, ლალი გრიგოლავა, ნიკოლოზ გურეშიძე, დავითი მესხი, მურად სინაურიძე, თეიმურაზ ფირცხალავა, მანანა ჩაკვეტაძე, მანანა ჩიხლაძე; მუნიციპალიტეტის მერი გენადი ბალანჩივაძე, მერიის ადმინისტრაციული და შესყიდვების სამსახურის უფროსი ვახტანგ ნადარეიშვილი, ჯანმრთელობისა და სოციალური დაცვის სამსახურის უფროსი ნათია ჩაკვეტაძე, ეკონომიკური განვითარებისა და ქონების მართვის სამსახურის უფროსი მარეხ კანკაძე, საზოგადოებასთან ურთიერთობისა და ღონისძიებათა მართვის განყოფილების უფროსი - ნათია გახოვიძე.

### დღის წესრიგი:

1. წყალტუბოს მუნიციპალიტეტის მერის მრჩეველთა საბჭოს თავმჯდომარის შესახებ.

გ. ბალანჩივაძე - წყალტუბოს მუნიციპალიტეტის მერი

2. წყალტუბოს მუნიციპალიტეტის მერის მრჩეველთა საბჭოს მდივნის შესახებ.

გ. ბალანჩივაძე - წყალტუბოს მუნიციპალიტეტის მერი

**მ ო ი ს მ ი ნ ე ს:** მუნიციპალიტეტის მერის გენადი ბალანჩივაძის ინფორმაცია მრჩეველთა საბჭოს თავმჯდომარის შესახებ. მან ვრცლად ისაუბრა განვლილი ერთი წლის განმავლობაში სოციალური, კულტურული და ინფრასტრუქტურული პროექტების განხორციელებაში მიღწეული წარმატებებისა და მასში მერის მრჩეველთა საბჭოს როლზე, მიზნებსა და კომპეტენციაზე. დადებით მომენტად იქნა აღქმული საბჭოს თავმჯდომარის ინიციატივა - მის ფირმაში მოყვანილი პროდუქტით 10 შეჭირვებული ოჯახის დახმარებისა და საბჭოს წევრის მანანა ჩიხლაძის ინიციატივა- ყოელთვიურად 3 სოციალურად დაუცველის უფასოდ გამოკვლევის შესახებ.

მუნიციპალიტეტის მერმა, მომდევნო ერთი წლის განმავლობაში მერის მრჩეველთა საბჭოს თავმჯდომარედ ასარჩევად სხდომაზე წარმოადგინა მოწინავე ბიზნესმენის, არაერთ საერთაშორისო კონკურსში გამარჯვებულის, გამოცდილი სამეურნეო მუშაკის ზურაბ ჯანელიძის კანდიდატურა.

**აზრი გამოთქვებს:** თეიმურაზ ფირცხალავამ, მურად სინაურიძემ, დავით მესხმა, ლალი გრიგოლავამ, მანანა ჩიხლაძემ, რომლებმაც მოიწონეს თავმჯდომარის კანდიდატურა და თანადგომა აღუთქვეს ზურაბ ჯანელიძეს. ზურაბ ჯანელიძემ მადლობა გადაიხადა მაღალი ნდობისათვის.

**დაადგინეს:** წყალტუბოს მუნიციპალიტეტის მერის მრჩეველთა საბჭოს თავმჯდომარედ, ღია კენჭისყრით, ერთხმად არჩეულ იქნას ზურაბ ჯანელიძე.

**მოისმინეს:** წყალტუბოს მუნიციპალიტეტის მერის მრჩეველთა საბჭოს მდივნის თაობაზე მუნიციპალიტეტის მერის გენადი ბალანჩივადის ინფორმაცია, რომელმაც საბჭოს წარუდგინა მარინა ჭავჭავანიძის კანდიდატურა.


**აზრი გამოთქვებს:** მანანა ჩაკვეტაძემ, მანანა ჩიხლაძემ, ზურაბ ჯანელიძემ.

**დაადგინეს:** წყალტუბოს მუნიციპალიტეტის მერის მრჩეველთა საბჭოს მდივნად არჩეულ იქნას მარინა ჭავჭავანიძე.

საბჭოს წევრებმა, მათთვის საინტერესო საკითხებზე მოისმინეს მერიის ჯანმრთელობის, სოციალური დაცვისა და ეკონომიკური განვითარებისა და ქონების მართვის სამსახურების უფროსების ნათია ჩაკვეტაძისა და მარეხ კანკაძის ინფორმაციები.

მერის მრჩეველთა საბჭოს

თავმჯდომარე



ზ. ჯანელიძე

მერის მრჩეველთა საბჭოს

მდივანი



მ. ჭავჭავანიძე